

**Tužilaštvo  
Brčko distrikta BiH**

Trg pravde br. 10 - 76100 Brčko - Bosna i Hercegovina

**Optužnica broj KT-RZ-24/09 protiv Gušo Nusreta i Suljagić Mirsada**

Broj: KT-RZ-24/09

Brčko, 03.mart 2010.godine

Na osnovu člana 35. stav 2. tačka h) i člana 226. stav 1. Zakona o krivičnom postupku Brčko distrikta BiH, p o d i ž e m:

**O P T U Ź N I C U**

Protiv:

- 1. GUŠO NUSRETA**, sin Ibrahima i majke Rabije, djevojačko Bajramović, rođen 24.jula 1961.godine u...
- 2. SULJAGIĆ MIRSADA**, sin Nezira i majke Šuhrete, djevojačko Smajlović, rođen 26.decembra 1958.godine u...

Što su:

Kao pripadnici 108 motorizivane brigade Brčko, Armije BiH, G. N. kao pomoćnik komandira za moral u Četi vojne policije, a S. M. kao referent bezbjednosti, kršeći pravila međunarodnog prava za vrijeme rata, za vrijeme oružanog sukoba u BiH između 108 mtbr Brčko Armije BiH i Vojske Republike Srpske, na području predratne opštine Brčko, postupajući suprotno odredbama članova 3. 4. 13. 14. i 17. Ženevske konvencije o postupanju sa ratnim zarobljenicima od 12.avgusta 1949.godine, te odredbama člana 45 i 75 Dopunskog protokola I uz Ženevske konvencije o zaštiti žrtava međunarodnih oružanih sukoba, kada je dana 03.avgusta 1994.godine prilikom izvođenja ofanzivne vojne akcije pripadnika 108 mtbr Brčko Armije BiH na položaje Vojske Republike Srpske u reonu Gornje Brke, zarobljen pripadnik III bataljona I Posavske brigade Bojske Republike Srpske R. B. sin R.Č. rođen 1947.godine, koji je nakon zarobljavanja odmah stavljen pod kontrolu pripadnika Armije BiH, na način da su mu ruke vezane žicom, a oči povezane platnenom krpom, te je nakon izvođenja iz zone borbenih dejstava u pratnji pripadnika Vojne policije prebačen u sjedište Čete vojne policije 108 mtbr Brčko u mjestu Maoča, koje se nalazilo u kući u kojoj je ranije bila smještena kafana «Bolji život», nakon čega je podvrgnut ponižavajućim postupcima i zlostavljanju od strane pripadnika vojne policije, a naročito osumnjičenih G. N. i S. M. koji su u više navrata oštećenog R.Č. podvrgavali ispitivanju, s ciljem da od istog dobiju informaciju i potvrdu činjenica u vezi sa vojnim položajima Vojske Republike Srpske, o ubistvima muslimana u Brčkom i dr., pa je tako odmah nakon dovođenja u sjedište vojne policije prilikom ispitivanja, od strane pripadnika vojne policije S. M. i G. N. izložen teškom ponižavanju i fizičkom zlostavljanju, te su ga tom prilikom tukli policiskim palicama po dlanovima ruku, leđima, bubrežima, a naročito su ga tukli palicama po tabanima, tako da su mu tabani bili plavi i otečeni, što je trajalo nekoliko sati, nakon čega je isti dan smješten u jednu vikendicu u neposrednoj blizini sjedišta Vojne policije, koja je bila u izgradnji, koja se sastojala se od jedne prostorije sa betonskim podom, na kojoj su otvori bili zatvoreni daskama, bez bilo kakvog ležaja, bez vode i drugih sanitarnih uslova za održavanje higijene, u kojoj je proveo 15 dana u kom periodu je ponižavanje i fizičko zlostavljanje ponavljano više puta, a u kojem su naročito učestvovali osumnjičeni G. N. i S. M. koji su ga u više navrata tukli rukama, nogama i palicama, po glavi i ostalim dijelovima tijela, pa je između ostalog jednom prilikom S.M. oštećenog R.Č. prisilio da skine pantalone tažeći da vidi dali je "obrezan" nakon čega ga je udario nogom u lice govoreći "nisi naš", gdje ostao kao ratni zarobljenik do početka decembra 1994. god, kada je prebačen u Okružni vojni zatvor u Tuzli,

dakle, kršeći pravila Međunarodnog prava za vrijeme rata i oružanog sukoba nečovječno postupali, namjerno nanosili snažni tjelesni i duševni bol i patnje (mučenje) prema ratnom zarobljeniku,

čime su izvršili krivično djelo – Ratni zločina protiv ratnih zarobljenika- iz člana 175.stav 1.tačka a) Krivičnog zakona BiH, u vezi sa članom 180. stav 1. navedenog zakona.